

Илова

Ўзбекистон халқининг Иккинчи жаҳон урушидаги жасорати, сабр-матонати, мардлиги, ватанпарварлигини тараннум этувчи ижодий ишлар танлови тўғрисида НИЗОМ

1-боб. Умумий қоидалар

1. Ушбу Низом 9-май “Хотира ва қадрлаш куни” муносабати билан “Уруш хотираларда” ижодий ишлар кўрик-танлови (бундан буён матнда танлов деб юритилади) ўтказиш тартибини белгилайди.

2. Ўзбекистон Республикаси Мудофаа вазирлиги танлов таъсисчилари ҳисобланади.

3. Куйидагилар танлов ташкилотчилари ҳисобланади:

Мудофаа вазирлиги хузуридаги “Фалаба боғи” ёдгорлик мажмуаси;

Ўзбекистон Бадиий академияси;

Ўзбекистон Бадиий ижодкорлар уюшмаси;

Олий ва ўрта таълим вазирлиги;

Халқ таълими вазирлиги;

Ўзбекистон Фанлар академияси Санъатшунослик институти;

“Хунарманд” уюшмаси.

4. Танлов Низоми тасдиқлангандан сўнг унга ўзгартириш ва қўшимчалар киритишига ўйл кўйилмайди.

5. Танлов 2021 йилдан бошлиб ҳар йили 9-май “Хотира ва қадрлаш куни” муносабати билан “Фалаба боғи” ёдгорлик мажмуаси таркибидаги “Шон-шараф” давлат музейида ўтказилади.

6. Ўзбекистон Республикаси Мудофаа вазирлиги “Фалаба боғи” ёдгорлик мажмуаси танловни ташкил этиш ва ўтказиш бўйича масъул ҳисобланади.

2-боб. Танловнинг мақсади

7. Танловнинг мақсади куйидагилардан иборат:

Иккинчи жаҳон уруши майдонларида ҳамда машакқатли меҳнат фронтида мардлик ва жасорат кўрсатган барча юртдошларимизга юксак ҳурмат ва эҳтиром кўрсатиш, уларнинг номларини абадийлаштириш, ўзбек халқининг буюк ғалабага қўшган ҳиссасини кенг миқёсда ёритиш ҳамда ёш авлодни ватанпарварлик руҳида тарбиялаш, уруш асоратларини унутмасликка чорлаш;

фуқаролар, айниқса ёш авлодни ватанпарварлик руҳида тарбиялаш, уларни умуминсоний қадриялар, ота-боболар руҳига ҳурмат, ғурур ва ифтихор, Ватанга садокат, муҳаббат туйғуларини кучайтириш;

Ўзбекистон халқининг Иккинчи жаҳон урушида қозонилган ғалабага қўшган ҳиссасини ва кўрсатган қаҳрамонлигини кенг миқёсда тарғиб этиш;

“Фалаба боғи” ёдгорлик мажмуаси таркибидаги “Шон-шараф” давлат музейи фондини экспонатлар билан бойитиш.

3-боб. Танловда иштирок этиш шартлари

8. Танлов ижоднинг қуидаги йўналишларида ўтказилади: рангтасвир, рассомчилик, графика, хайкалтарошлиқ, ҳалқ амалий санъати, баён, иншо, эссе ва хикоялар.

9. Ижодий асарлар Ўзбекистон ҳалкининг Иккинчи жаҳон урушида жанг майдонларида ва фронт ортида улкан жасорат ва матонатларини, ғалабага қўшган хиссасини, юртимизга эвакуация ва депортация қилинган турли миллат вакиллари, хусусан, болаларни бағрикенглик билан кутиб олиш ва уларга ҳар томонлама амалий ёрдам кўрсатиш сингари тарихий воқеалар, жамоатчилик вакиллари, уруш ва фронт орти меҳнати иштирокчилари ҳамда уларнинг авлодлари хотираларини ёритиш лозим.

10. Танловда Ўзбекистон Республикасидаги ихтисослаштирилган маданият мактаблари, олий таълим муассасаларининг талабалари, ўқитувчилари, санъат мактабларининг ўқитувчилари, Маданият вазирлиги, Ўзбекистон бадиий академияси, Ўзбекистон бадиий ижодкорлар уюшмаси, Олий ва ўрта маҳсус таълими вазирлиги, Ҳалқ таълими вазирлиги, Ўзбекистон Фанлар академияси Санъатшунослик институти, “Хунарманд” уюшмаси аъзолари иштирок этиши мумкин.

11. Танловда иштирок этишини истаганлар танлов бошланишидан ўттиз кун олдин “Ғалаба боғи” ёдгорлик мажмуасига қуидагиларни тақдим этишлари лозим:

танловда иштирок этиш учун маълумотнома (резюме);

паспорт (ID-карта) нусхаси;

маълумот тўғрисидаги хужжат (диплом) нусхаси (мавжуд бўлса);

ўқиши ёки иш жойидан берилган ижодий тавсифнома ва маълумотнома;

3 x 4 см ўлчамдаги 1та ва 9 x 12 см ўлчамдаги 1 та рангли фотосурат;

танловда иштирок этаётган томонидан яратилган, бадиий жиҳатдан ҳамда бадиий безак ва мантиқий жиҳатдан тўлиқ яқунланган ижод намунаси (асар).

12. Асарнинг орқа тарафига муаллифнинг исми ва шарифи, манзили, асарнинг номи ёзилиб, ёзма ижодий ишлар конвертда исми шарифи, манзили ёзилиб, ташкилий қўмитага топширилади.

13. Танлов эълон қилинган кундан бошлаб, бир ой муддатда ишлар қабул қилинади.

14. Танлов ташкилий қўмитасига тақдим этилган ҳар бир иш белгиланган тартибда рўйхатдан ўтказилади.

15. Аризанинг расмийлаштириш талабларига риоя этмаслик ҳолатлари кузатилса, танлов материаллари кўриб чиқилмайди.

16. Белгиланган муддатдан кеч тақдим этиладиган хужжатлар қабул қилинмайди.

17. Ҳакамлар ҳайъати иштирокчилар томонидан тақдим қилинган ижодий ишлар иштирокчиларга танлов яқунланганидан кейин қайтариб берилади.

18. Танловнинг ҳакамлар ҳайъати таркибига Мудофаа вазирлиги “Ғалаба боғи” ёдгорлик мажмуаси, Ўзбекистон Бадиий академияси, Олий ва ўрта маҳсус таълим вазирилиги, Ҳалқ таълим вазирлиги, Ўзбекистон Фанлар академияси Санъатшунослик институти ҳамда “Хунарманд” уюшмасининг худудий вакиллари киритилиши шарт.

19. Танлов якунида ғолибларни аниқлаш бўйича ўтказилган танлов ҳайъатининг йиғилиши ва қабул қилган қарори ҳайъат аъзоларининг имзолари билан баёнлаштирилади.

20. Иштирокчилар ва тақдим этилган ишларнинг сони чекланган. Битта иштирокчи танловга бирдан учтагача бўлган турли йўналишлардаги ишларни бирлаштирган холда битта ариза билан бериши мумкин.

21. Танлов қатнашчилари мустакил равиша “Ғалаба боғи” ёдгорлик мажмуасига, 100069, Тошкент ш., Олмазор тумани, Сабон кўчаси, 382-уй манзили бўйича “танловга” деган белги ва ушбу Низом иловасига мувофик расмийлаштирилган ариза билан олиб келишлари мумкин.

4-боб. Танловни ўтказиши шартлари

22. Танловнинг ташкилий ишларини амалга ошириш учун “Ғалаба боғи” ёдгорлик мажмуасида ташкилий қўмита тузилади. Ташкилий қўмитаси таркибига “Ғалаба боғи” ёдгорлик мажмуаси таркибидаги “Шон-шараф” давлат музейи танлов йўналишга оид мутахассислар ҳамда танловни ташкиллаштириш учун ҳамкор идора ва муассасалардан малакали мутахассислари жалб этилиши мумкин.

23. Танлов ташкилий қўмитасининг асосий вазифалари:

танловга топширилган ижод асарларини бир жойга жамлаш ва дастлабки саралаш ҳамда танловга келиб тушган ижод (асар) намуналарининг кўргазмасини ташкил этиш;

келиб тушган ижод асарлари муаллифлари билан боғлиқ барча хужжатларни расмийлаштириш;

танлов ғолибларини аниқлаш учун ҳайъат аъзоларига хужжатларни тақдим этиш;

танловни ташкиллаштиришда юзага келган муаммоларни ҳал этиш ҳамда керакли чора-тадбирларни амалга ошириш.

24. Танловда муаллифлар ишларининг қатнашиши ишларнинг кўргазма охиригача танлов уюштирувчилар ихтиёрида бўлишларига розилигини билдиради.

25. Кўрик-танловда топширилган ишлар “Шон-шараф” давлат музейида кўргазмага чиқарилади ва танловда ғолиб деб топилганлари “Шон-шараф” давлат музейи фондидан жой олади, қолган ишлар муалифларига қайтарилади.

26. Ташкилий қўмита танловни реклама қилишда барча материаллардан фойдаланиш хукуқини ўзида колдиради.

27. Танлов хақида маълумотлар, унинг жараёни ва якуни Мудофаа вазирлиги Ахборот ва оммавий коммуникациялар департаменти томонидан "Ватанпарвар" газетасида, Мудофаа вазирлигининг **mudofaa.uz**, **Shon-Sharaf.uz**, (**Facebook**, **Twitter**, **Youtube**, **Mytube. uz va h.k.**) ва бошқа ижтимоий тармоқлар ҳамда сайтларда эълон қилиниб, оммавий ахборот воситаларида эълон қилинади ва ёритилади.

28. Танлов қўйидаги йўналиш (номинация) бўйича ўтказилади:
рангтасвир, рассомчилик, амалий санъат, графика, ҳайкалтарошлиқ, ҳалқ амалий санъати;

баён, иншо, эссе ва ҳикоялар.

5-боб. Танлов иштирокчиларини баҳолаш ва ғолибларни тақдирлаш

29. Танловга топширилган ижодий ишларни баҳолаш бўйича Мудофаа вазирлиги “Ғалаба боғи” ёдгорлик мажмуаси бошлигининг буйруғи билан маданият ва санъат соҳасидаги етакчи мутахассислардан иборат ҳакамлар ҳайъати таркиби тайинланади.

30. Ижодий ишлар икки босқичда кўриб чиқилади:

биринчи босқичда –ижодий ишларни белгиланган тартибда ташкилий қўмита томонидан дастлабки сараланиб қабул қилинади;

иккинчи босқичда –танлов ҳакамлар ҳайъати аъзолари ёрдамида ғолиб ва совриндор бўлган ижодкорлар аниқланади.

31. Танловда иштирок этиш учун ташкилий қўмитага топширилган ишлар танлов ҳакамлар ҳайъати аъзолари томонидан очик тартибда кўриб чиқилади. Ижодий ишларни баҳолаш ҳакамлар ҳайъати аъзоларининг 2/3 қисми бўлсагина баҳолаш жараёни амалга оширилади. Ҳакамлар ҳайъати аъзолари овози тенг келиб қолган пайтда ҳайъати раисининг овози ҳал қилувчи хисобланади. Ҳакамлар ҳайъати аъзолари танловнинг якунига кўра далолатнома тузилади ва Мудофаа вазирлиги ”Ғалаба боғи” ёдгорлик мажмуасига топширилади.

32. Танловда энг кўп умумий балл тўплаган ижодий иш (асар) орасидан ҳакамлар ҳайъати қарорига асосан ҳар бир йўналиш (номинация) бўйича танловнинг I, II, III ўрин совриндорлари аниқланади.

33. Иштирокчиларни баҳолашда ҳакамлар ҳайъати мустақилдир.

34. Танловнинг якуний натижалари ҳакамлар ҳайъатининг қарори билан расмийлаштирилади.

35. Иштирокчилар ҳакамлар ҳайъати қарори юзасидан танловнинг якуни бўйича бир кун муддатда ҳакамлар ҳайъати раиси номига аппеляция шикояти (ариза) беришлари мумкин. Аппеляция шикояти белгиланган тартибда рўйхатга олинади, бир кун муддатда кўриб чикилиб, баённома билан расмийлаштирилади ва ўша куннинг ўзида эълон қилинади.

36. Олий совринларга лойик деб топилган асарлар “Шон-шараф” давлат музейи фондига белгиланган тартибда экспонат сифатида қабул қилинади.

37. Танловда 1 та – Гран-при, 1 та –I ўрин, 2 та –II ўрин, 3 та –III ўрин, 10 та рағбатлантирувчи мукофотлар белгиланади:

Гран-при – 55 дюймли телевизор;

I ўрин – 49 дюймли телевизор;

II ўрин – ноутбук;

III ўрин – планшет.

Иштирокчиларга белгиланган намунадаги диплом топширилади.

38. Голиблар белгиланган ҳайъат аъзолари томонидан бир ҳафта муддатда аниқланади.

39. Совриндорлар асарлар асосида ташкил этилган кўргазма доирасида рағбатлантирилади.

6-боб. Танловни ташкил этиш ва ўтказишни молиялаштириш

40. Танловни ташкил этиш ва ўтказиш билан боғлиқ сарф-харажатлар Мудофаа вазирлиги “Ғалаба боғи” ёдгорлик мажмуасининг ривожлантириш жамғармаси ҳамда Ўзбекистон Республикаси қонунчилигига тақиқланмаган ҳомийлик маблағлари ва бошқа манбалар ҳисобидан амалга оширилади.

41. Танлов иштирокчиларининг танлов ўтказилиши белгиланган худудга келиб-кетиши, меҳмонхона ва овқатланиш харажатлари уларни танловда иштирок этиши учун юбораётган ташкилот ҳамда муассасалар томонидан ёки ҳомийлик хайриялари ҳисобидан копланади.

42. Танлов ташкилотчиларини Ўзбекистон Республикаси Мудофаа вазирлиги ва Ўзбекистон бадиий академиясининг рағбатлантирувчи фахрий ёрликлари ва қимматбаҳо совғалар билан тақдирлашлари мумкин.

43. Танлов ғолиблари ва совриндорларини тақдирлаш кўргазмани тантанали очилиш маросимида бўлиб ўтади.

7-боб. Якуний қоидалар

44. Танловни ўтказиш жараёнлари бўйича келиб чиқадиган низолар қонун хужжатларида белгиланган тартибда ҳал этилади.

45. Мазкур Низом талабларини бузишда айбдор деб топилган шахслар Ўзбекистон Республикаси қонунчилигига мувофиқ жавобгарликка тортилади.